

頤  
道  
堂  
詩  
選

頤道堂詩選卷七

錢塘 陳文述 退庵

古今體詩

過陽羨寄趙杜牧水榭並寄梅史都下

菴畫溪可遊陽羨田宜稼在昔聞司勛於此有水榭行魚  
繭絲牽野鳴竹弓射桃李耐嬉春荷葉靜消夏官旣節度  
佐詩亦工部亞阮瑀掌記室賈生列幸舍江湖十載行明  
月二分夜纖細楚腰輕惆悵鴉頭嫁得勿傷輕薄敢冀免  
唾罵豈知抱經濟足以輔英霸原衛旣激切罪言豈假借  
燕將錄具存澤潞甲可卸淮南花月空竹西歌吹罷禪榻  
悟中拂茶煙鬢桑柘此地山水佳何年裴履迂彷彿溪陂

岑顓顏洽城謝紫雲豔可請碧湖平若研我友賦才健落  
筆詞源瀉愛此地百弓欲支屋五架名流會珠玉妙伎集  
蘭麝金谷詩當作玉壺酒堪賈倘同郭李舟應命稽呂駕  
此願等緣木厥味類噴煎君才比古昔其勢互凌跨所惜  
無奇章爲子長光價卽今過汴泗猶憶別滻灞石曰湖水  
深一聲柔櫓下

明督師盧忠烈公墓下作

嗚呼古來外患在敵內在相赤手障天天竟障往往宗社  
成邱墟豈獨忠臣氣凋喪吾持此論論武穆頻上西湖墓  
田哭今來憑弔尙書墳將相抵牾同一局尙書遭際君英  
明樞臣亦自誇知兵謂楊嗣昌祇此和戰議不合遂使掣肘之

患悲填膺樞臣奪情踞九關督臣奪情臨三軍人臣無親  
安有君嫌概此語天應聞樞臣主和督主戰帝亦倚公靖  
郊甸監軍倚川高起潛危言孰鑒袁崇煥王師連營屯  
賈莊牛關石匣悲邊牆五千殘卒抗大敵三郡父老迎壺  
漿父老叩軍門爲公論軍事願公移順德風昔感恩義昔  
非公死賊今非公死兵一呼十萬衆可得何事孤軍死戰  
空列名公語謝父老生平戰未失利力窮食盡更中制  
歸場之事無所避今日我死日此地我死地父老兩泣去  
王師卷地如雲來周之數重戰竟日將星墮地聲如雷  
中刃者三中天四掌收殉之諸將漬麻衣如雪戰血殷衣  
背猶鈐督師字督臣死戰職所當豈料樞臣轉滋忌蜚語

單騎遁出關天道神明爾何意同時薊督南安洪全軍壁  
壘松山空李陵生降隴西恥翻勞祠祭褒精忠功罪無憑  
竟如此謂死者降降者死是非顛倒公論淆國事當時可  
知矣明季忠烈兩督師雁門顧盼天人姿一死兩關一畿  
輔撐拄天地扶綱維傾軋皆出樞府意權臣在內古所悲  
我來陽羨里如拜棲霞祠英風蕭瑟白日冷宰樹蕭蕭森  
南枝惜哉岳墳長隄秦長腳此間不歸楊文弱

陽羨弔陳其年

尋也才無敵文章已百年滄桑心獨寫花月世爭傳落魄  
青衫淚銷魂白紵絃憐君仍晚達搔首益悽然

孫吳國山封禪碑

國山在陽羨今爲荆溪縣境有碑如碣俗名碣碑  
吳孫皓之封禪碑也吳志天璽元年秋八月吳興  
陽羨山有空石長十餘丈名曰石室在所表爲大  
瑞乃遣兼司徒董朝兼太常周處至陽羨縣封禪  
國山是也本名離墨山以漢鍾離墨得道於此一  
名董山以董朝所封也碑作橢形四面有字凡四  
十三行一千餘字所紀符瑞千二百種竝列丞相  
太尉之官書字者中書東觀令史立信中郎將蘇  
建也康熙中祥符周雪客嘗爲之考宋錫鬯序之  
乾隆丁未海鹽吳騫手拓其文加考證焉其後善  
化唐仲冕令荆溪作石亭覆之余過其下因作此

詩

國山視岱陋且卑孫吳乃有封禪碑江東勅業本草草兒  
孫豚犬尤可嗟陽羨大石本自立何與公事封禪爲祥瑞  
乃至千二百藻飾飛植如兒婦是時蜀都已失守魏璽亦  
授司馬兒紆策久緩羊祜帶勝局新定張華基金簡玉璽  
翻符瑞童昏作事眞無知文字誕妄何所仿長卿流毒多  
卮辭亦如潘勗謨九錫六朝篡奪交相師蘇建王書匹皇  
象降表未識書者誰黃旗青蓋入洛去一碑間立青山陞  
從來驕盈必敗度苞桑苞葉闢安危後來唐宋事一例泥  
金嶽頂殊堪悲我作此詩告萬世金鑑大寶同箴規

望善權山

高樹綠迴環長河第幾灣水聲深陽渡雲氣善權山鐵鎖  
橫江失青旗入洛間國碑遺蹟在春雨薜花斑

燕支湖

半篙新漲欲生波淺碧無痕砑越羅一夜東風吹短夢燕  
支湖上落花多

碧薜菴相傳是祝英臺讀書處

清泉漱奇石幽篁隱深樹千年寒薜作深碧傳是英臺讀  
書處祝英臺是否山中女生何年家何所與梁同學讀何  
書曾否目成與心許何事信若華山畿青山同穴埋羅衣  
羅衣風吹作蝴蝶至今對對花前飛男女死生情若此太  
行之山猶海水千秋豈獨青陵臺青琴一曲驚燕死



深陽懷孟東野

我來深陽縣言念深陽尉吟苦落肩毫思刻鑄肝胃射鴨  
聊自娛蔭櫟差相慰一卷五言詩澹中有真味

投金澗

昔年貞義女擊絮此江潯乞食人長往潛淵爾自沈本來  
如白璧空復報黃金國士千秋意寥寥共此心

太白酒樓唐天寶十五載李白宴別張旭於此作猛  
虎行卽用原韻和之

醉不作鸛鶴舞嘯不作鸞鳳吟咸陽市碎漸離筑廣陵散  
絕嵇康琴唐家形勝十五道胡騎東來雪山倒函關樓堞  
散秋煙驪山宮殿埋荒草兩河各起勒王兵日月重見長

安城覆壁亡命走張儉浮海避世嗟管寧憶昔西幸初先  
機兆行止當歸寄蜀草山鬼識燕市外戚富貴賢士貧事  
經盤錯見忠臣汾陽氣局早心識如君豈是尋常人金鑾  
草詔亦如此眼底曾無高力士微波沙草漾龍鱗可憐浪  
跡困風塵風塵浩浩酒樓在日暮楊花愁煞人烏巾錦袍  
樓上客飲中之仙豈斗石豪氣不數劉彥道百萬呼盧拚  
一擲張旭草書亦頗奇奇處只有青蓮知當時若寫大鵬  
賦落筆定有神龍隨龍性難馴鳳鍛羽丈夫身世各有時  
我來正及江南春碧雲日暮懷佳人天寶花月至今在所  
幸四海銷煙塵登樓作賦學王粲賦成欲示西都賓扁舟  
來日泝江去自有明月來相親

北湖亭用李太白登北湖亭望瓦屋山懷古贈同旅

詩韻

渺渺北湖水亭亭瓦屋山太白昔遠謫夜郎快生還花月  
喪亂後江漢胸懷間酒白蘭陵沽柳向金陵攀乘興偶東  
下歌詠間江關古瀨弔投金一碧通行灣大筆照碑版立  
論齊閔顏升沉感魚龍艱難懸豺虎功罪未分明尙論侍  
千古靈武正位號江漢迎靈槩尙佐中興業何殊賢平王  
成或懸日月敗卽嚴風霜鴻鵠各自飛太息悲雁行何如  
鳳皇臺壽夭任飛翔

高淳湖曉渡

湖水碧於羅湖雲白於絮東風吹浪花散作春江霧遮山

如髮變微向鏡中露扁舟從東來征帆疾於鶩蓬窗窺明  
星高出沙岸樹老漁三五家開門理漁具刺水蘆芽青飛  
飛雙白鷺曉風殘月中行盡江南路

范雲墓

太息南朝事尙書薤草荒文章匹任沈官閣歷齊梁佐命  
心何早推恩澤亦長當時客西邸只負竟陵王

東壩

禹貢導三汊中支入陽羨尾閭會歸墟入海急傳箭厥土  
惟塗泥漢代猶未變所以地理志昆陵缺郡縣東壩始楊  
吳長隄屢營繕險異攔江纔堅比浮山堰從此下遊地磽  
瘠化蔥蒨山川煥藻繪士女樂清晏南江經池口左折一

支旋入湖復出湖勁若洛貫汴三折會浙江雙壑勢洞旋  
吳越爭界阨犬牙誤牽輾轡李與笠澤左國名屢見主流  
既日微下遊亦日填一自錢塘築潮汐歸一綫錢阮精考  
證博雅綜史傳揚子今北江東下乘利便金焦亘羅星高  
壓控海甸動若奔萬馬靜亦橫匹練遠蹟師陳登近事比  
康綯東望指蕪關陰霞動江面

錢溉亭阮雲臺兩先生皆以浙江爲南江有云江考

鳩茲道中望當塗青山寄題謝眺故宅

遠遊理舟楫勞生厭車馬天際列吳岫遠峯春澹冶緬昔  
謝元暉新詩最閒雅餘霞麗高城飛雨過平野北樓覽大  
江日夜東南瀉喬林蔭寒渚遺宅在其下謫仙衣宮錦亦  
是遊遊者愛此青山色終隱意瀟灑宣城吾未至結契每

心寫臨風憶謝公還復思白也彈琴志流水不慮知音寡  
明月江上來長吟酌杯畔

蕪湖曉發

晨霞晃澄江霽色漾明潯沙頭喧估舶津鼓催行早此地  
古鳩茲吳楚有城堡山色鬱蒼蒼江聲流浩浩對面蝦蟆  
祠金碧麗蓬島歸魂招白帝艤雖悲蜀道中流望翠巘白  
雲間亦好輕舟互來往各趁長風飽乃知江海寬不見帆  
檣擬望望天門山雙蛾澹初掃

白紵山是桓溫攜伎歌白紵處

北伐雄心氣未磨枋頭師敗恨如何登臨大有新亭意一  
角青山白紵歌

白紵聲停拂舞衣  
煙江柳色定依依  
琅邪年少難重見  
太息空城已十圍

永隆中朝九錫文  
同時王謝定無倫  
若教垂暮酬歌舞  
文景何嘗解笑人

中年哀樂須陶寫  
絲竹間情未許刪  
鵝伎林泉寫高致  
後來祇有謝東山

鐵畫歌

畫乃蕪湖鍛工湯鵬所作  
湯與畫師蕭尺木鄰  
暇輒往觀蕭呵之湯發憤曰  
爾謂我不能畫耶  
乃鍛鐵以作山水屏障  
惟肖世因謂之鐵畫  
六鵬字天池

鐵畫鐵書誰所作湯生家近鳩茲郭生來腕底有鑪錘驅  
使煙雲出鋒鏑生家昔仿畫師作畫師激之生也怒收束  
精神入杳冥幻出花枝與雲樹畫家使筆如使鐵生也使  
鐵如使筆鐵耶畫耶兩不知百鍊功深神妙出我思技之  
至者能通神飛衛射蟲如車輪越女劒衛郢匠斤絕技何  
必師前人鐵能作畫自茲始一藝成名足傳矣君不見文  
章之道亦如此

蝦蟇靈澤夫人祠

青山如黛晚蒼蒼玉殿深松隱夕陽蜀道無家悲望帝湘  
宮有淚泣娥皇秋潮江水旌旗遠夜月虛堂劒佩涼欲問  
永安何處是峩峩西接暮雲長



江行望采石

生平作詩慕太白江上扁舟望采石采石隔江不可見惟  
見茫茫水天碧碧天如畫江波流當年宮錦乘風遊騎鯨  
客去三千載青山寂寞餘高樓樓上闌干俯江口樓下春  
潮向東走不敢高吟牛渚詩恐向寒江落星斗

寄題采石太白祠

牛渚西江月一輪月華曾照錦袍新更無高詠袁臨汝何  
處佯狂賀季真鸚鵡洲遙春慙慙鳳皇臺迴水粼粼一從  
天寶題詩後如此江山少替人

天門山川黃仲則韻

山連采石出江抱金陵流謫仙去後一千載我來汗漫乘

風遊雨厓一東江勢陡怒濤似挾神龍走龍性不馴江有  
聲塊壘難消酒一斗彩雲白帝遙相望詩境今倒落我手  
綠陰風捲疑深秋松柏所產非培塿陡然一舉起從龍雲  
中應有仙人宮流泉縹緲飛雨下絕壁紫翠朝霞烘送江  
入海向東去此地人言巨靈怒太華壁後又天門千古江  
山奇絕處驚雷捲雪噴船頭長吟珠玉生歌喉可惜風利  
不得泊不然捫蘿絕頂來勾留搔首青天發長嘯浩蕩一  
洗胸中愁

春夜江上聞角因憶谿山蔣知廉有一江花月換邊  
愁句卽用作緣起

一江花月換邊愁萬里春陰接素秋此地孤蓬愁對酒有

人客帳夢封侯明明燈火沉刁斗隱隱帆檣出戍樓太息  
時清仍設險一尊吹蓬酌中流

板磯是黃得功屯兵拒左良玉處

山勢欲起稜江聲有餘怒忠桓昔移鎮營屯於此駐寧南  
下艘艦舉動太輕遽騎虎勢已成臥羆猛當路撤彼防淮  
兵增此沿江戍左師幸已解北兵竟飛渡宰相白衣遁帝  
子青騾去將軍死殉國落日愁雲暮憑弔古戰場指點屯  
兵處殘局殿六朝興廢關天數黯黯蕪湖城鬱鬱金陵樹

銅陵江上夜行同犀泉作

銅陵江上水連天好趁春潮夜放船吳楚有星分極浦齊  
梁無壘認寒煙家山寂寞漁燈外客夢蒼涼戍角前與爾

蓬窗斟酒燭銷香盡不成眠

江上對月懷孫運水用太白集中月夜江行寄崔員外韻

江風吹月上涼夜如深秋  
滅燭攬清景沙岸停扁舟  
月華照江面影逐江波流  
隱隱隔岸山夜氣殊深幽  
春華若流水逝者真悠悠  
歸潮亦東下不滌胸中愁  
南望金陵城何處白鷺洲  
碧雲遠無際極目生離憂

慈母饑

慈母手中綬游子身上衣  
十年客薊北心逐南鴻飛  
今年春風好吹我錢塘歸  
歸家見慈母喜極涕欲揮  
檢我舊征袍關山話驂駢  
嚴親客官舍庭樹春芳菲  
弟妹羅酒漿歡

顏開庭幃十日復相別又與親顏蓮挂席泝江上終日行  
翠微江流忽東轉云是慈母磯聞名感呬嵎寸草懷春暉  
征雁長苦寒樓烏長苦饑薄宦迫遠遊感此增歔歔仰視  
天上雲結念心依依

池陽江行舟中望九華

江行愛山色萬點浮嵐濃水驛間池口拔地森九峯峯峯  
青蓮花色亦如芙蓉綠挂江浩浩白巨雲重重繙昔李俱  
奉北斗羅星胸夜醉金陵月朝攀黃山松長嘯過采石高  
躡青雲蹤荆華出奇秀呼吸天門通至今讀書堂遺隴蒼  
苔封我今泝江上繫檝乘長風何人翦蒼翠置我篷窗中  
挂笏玩西爽雲外飄清鐘題詩寄韋尹雲樹青陽東

攔江磯

攔江磯山之麓江之汭縱橫幾尋直下更幾許神禹導江  
剏未盡畱此江心蘊孤嶼攔江磯攔得否平吳方略平陳  
功戰帆東下降帆走攔江磯攔不得江流自下舟自上青  
落池陽九華色攔江磯噫歎歎倦鴉返林雁北飛浪花灑  
滄遊子衣遊子行役何時歸君不見攔江磯

江上望皖公山用太白韻

三峯出雲表煙樹得靈氣皖伯爾何人登覽定快意我從  
江上來日飽煙霞味九華翠可挹茲山亦殊異羈宦蹟方  
始求仙志難遂何年脫塵鞅來尋鋤藥地

江行雜詩和岸泉作

雲擁春潮怒未降浪花如雨入蓬窗  
十年踏徧關山路今日扁舟泝大江

歸魂萬里蜀鵲啼暗雨連天溼翠旗  
今日隔江先酹酒青山一髮是螺磯

江入銅陵浪有聲海天無際碧雲橫  
忽然兩岸楊花起知在三山夾裏行

浮空遠翠逐潮迴澆盡文章劫後灰  
一片青山江上水南朝帝子讀書臺

岸柳千條綠影齊浪花無際水禽啼  
忽從慈母磯邊轉萬疊青山盡向西

謫仙當日題詩處呼吸通天未可攀  
今日孤帆江上過枕

邊青落九華山

階港孤邨隱白沙荒祠古木起神鴉夕陽乍落疎星起最  
好江行看晚霞

皖公山色碧嶙峋水郭樅陽露遠岡四百里程三日至船  
頭酌酒謝江神

樅陽懷古

浮陽九派下樅陽風雨春潮渺盛唐武帝旌旗此江水漢  
家樂府有詞章秋風汾上雕祠廢烽火回中輦路荒隔岸  
青山綵雲裏鼎湖弓劍說軒皇

江館聽雨

一江煙水又天涯寂寞黃昏散暮鴉燈下懷人偏對酒客



中聽兩倍思家新愁白髮增鄉夢往事烏絲感歲華何處  
心頭最根觸鳳城雲樹馬塍花

余忠宣祠

皖城斗大橫江口萬古江聲向東走巍巍大節忠宣公血  
戰曾經六年守臣力不敵臣心孤城頭燄火無時無淮東  
西已落賊手退此一步臣當誅江上暮潮催戰鼓三矢在  
身殷白羽剛外方悲戰士營宮中正演天魔舞狹巷紛紛  
接短兵賊來月薄竟登城三千卒是用橫客甘與將軍共  
死生陣雲如墨丹心照青萍三尺哀龍噴清水塘前碧血  
寒一門兒女皆忠孝後先報國輝青史江州李齊與高郵  
李齊台州復有秦不華善不媿科名同一死魚海蒼茫草

不春將軍遺廟枕江濱中丞

張暉陽

閣部

史道鄰

同憑弔土下

千秋更幾人

大觀亭和壁間西冷女子小卿右卿韻

如此登臨洵大觀萬重山翠擁朱闌西來遠樹橫江出東  
下歸潮帶雨寒靜夜龍吟聲激楚遙天雁字寫平安十年  
踏徧黃塵路宦海名場一例難

多恐春陰拂袖寒扁舟小泊百花殘獨遊何處凭欄詠扶  
病應憐倚枕看綠水浮家新驛路青山回首舊江干懷鄉  
我亦西冷客一抹湘霞夢未闌

附錄

入楚才逢此壯觀春雲樹杪見朱闌空亭啼鳥山花早

古殿無人暮雨寒正苦浮家弔湘水那能分淚寄長安

時兄宦蜀中小喬況復愁欹枕每到登臨放眼難右小卿作

晚泊蓬萊江上寒高亭煙樹雨初殘今朝萬壑雲中見  
昨日孤舟天際看小病支離空悵望何時風月倚闌干  
片帆西去重回首寄語青山興未闌右石卿作

薜香閣水榭坐月

綠陰卷黃月兼以碧雲深雲片不知數月痕何處尋  
從池水上坐發滄浪吟忽然衣上白流影出波心

黃山松歌用黃仲則韻

足蹟未到黃山峯眼中忽見黃山松松生絕壁下無地隔  
江翠黛蒼煙中黃帝鑄鼎鍊丹處至今石屋天符封其下

雲海一萬頃長風浩浩吹無窮松根蟠屈透石背稜稜瘦  
骨敲青銅鱗鬣攫拏作遠勢蛟龍髣髴騰幽宮斧鑿懸絙  
縋幽險譬若鄧艾陰平攻或如正直郭有道或似偃蹇王  
無功收束萬丈歸徑八天之所賦非人工如何耳目作近  
玩檻猿效鶴將毋同安得空山任老壽靜看麋鹿春養茸  
支離坐對發古意夜半似逢黃石公不然聯袂下玉女否  
亦把臂招青童三十六峯縹緲夢遊去踏青芙蓉

至皖兩旬卽有河上之役與犀泉別

人生離合真無定又解黃河曲處驂枕上潮聲舟上月與  
君兩地望江南

將去皖江聞呈楊遵公廉訪

名場久掉鞅宦海初縱櫂掛讓到皖公已被山靈笑葫蘆  
問陸雲松樹詫和嶠塊壘待誰平繫枘彌自悼夫子關西  
彥讀書矢忠孝辛苦官秋曹聲名重 純廟陳臬到江國  
溫厚寓文誥冰壺皎不羣風鑑術殊妙唐舉與管輅絕學  
頗能肖我昔客京華風塵備潦倒文章推張鶴史書慕袁  
豹龍性未易馴鶴骨空自傲燕額班超貧爲眉馬周平荷  
公枉見賞拂拭生光耀一見惜風骨太息辱泥淖許我名  
位同徵信若杯琰再見論文字意氣頗籠罩讀竟更激賞  
謂已深堂與勸我事河壘功名勗遠到尙書今龍門掄才  
若鄉校叶響答笙竽合契齊珪璫許我必遭際屬我勿騰  
蹕我生眇學術亦復鮮才調上慙東方隱下愧北山請魯

國此男子洛陽昔年少治河如治兵轉餉若轉漕別緒緣  
陰合前路青山導論交訂今雨臨岐戀斜照一日知己情  
千秋國士報

龍山道中口號

巖腰長有白雲封雨後林緝涇翠濃澗底樹根全化石潭  
心雲影半成峯

浮山

江聲流不去一掬古時煙翠落雲中黛青浮水上蓮湖迴  
沙岸失風急浪花圓莫問龍爭事蕭條不計年

漢武帝射蛟臺

絕壁高盤漢帝臺當年曾此射蛟來翠華遠憶回中發青

雀應從海上迴風雨奔騰消壯氣魚龍寂寞避雄才盛唐  
山下攬陽水不向西京浣劫灰

舒城道中望梅山相傳是梅福隱處

昔聞吳市卒曾入會稽山避世真無地移家又此間心同  
鯢鱖昔身較魯連聞仙洞高林外孤雲日暮還

周公瑾故里

年少登壇鎮上遊東吳人物更無儔飲醇交誼人皆醉顧  
曲閒情我欲愁大帝旌旗空寂寞小喬夫婿自風流年年  
春到巢湖岸尚有青山記姓周

晉書有周郎是公瑾讀書處

二喬宅

江東形勝占三分玉女風姿也出羣姊妹天人雙國色英

雄夫增兩郎君赤鳥殘碣埋春草銅雀荒臺冷暮雲  
當年敗井在百花飛蝶弔羅袞

寄題潛山天柱峯

霍山爲南嶽最高者天柱其名見周禮其典隆漢武元封  
後五載巡狩浚南土南郡至江陵登禮事畢舉惟昔皇帝  
聖抗志慕三古封禪采義黃巡狩稽舜禹八神嶽麓祠萬  
歲嵩高語寶鼎迎甘泉芝房奏樂府方士談燕齊明堂議  
鄒魯且戰且學仙振兵還澤旅東南曰揚州茲山百神主  
玉帛俯荆塗丹篆壓岫嶠隔江卅六峯軒皇所延佇想見  
禮成後登高覽雲樹會稽號南鎮相視若主輔厥後改衡  
嶽九面環湘浦蒼梧重華雲斑竹娥皇雨山靈有盛衰帝



子渺何許憶昔登岱頂摩厓天尺五石甃祕玉牒何處訪  
璚璫一卷相如文於世究何補指點起封中青天雲一縷

舒王墩

朝端新法世間名似爾心中最不平畱此一墩幽寂寞不  
須更與謝公爭

龍眠道中至舒城綠陰甚美

青山行向盡參差蔚嘉樹新綠濃可染密陰晴疑暮微聞  
殘雨滴或是昨宵露出水作澗聲匯入前溪渡遠岸下鳥  
隼平時飛白鷺時見簑笠入荷鉏於此去遠峯潛空翠悠  
然時一過澄潭生微風披襟懷吾素回望碧陰合中有來  
時路

抱松女和施愚山集中作

原序云宣城秀才羅憶妻孫氏未笄從姑避兵匿  
松下兵獲姑將殺孫亟出以身代兵脅之去女抱  
松大呼曰死耳義不可辱遂見害三日猶抱松不  
仆人稱抱松女云

松身兮戔戔松之節兮磔磔  
賊之來兮殺我姑女救姑兮  
攀松而呼賊釋姑兮劫女女抱松兮  
不去賊殺女兮女不仆  
魂挾松濤兮雨風以怒松化石兮  
石凝碧女節堅兮血不滅

題杜茶村詩後

湖海真高士滄桑古逸民  
浮蹤鷗浩蕩瘦骨鶴精神  
詩卷

千秋在沈吟五字新寄言後來者未可薄斯人

隨園論詩不滿茶村

故云

巢湖女

巢湖漁人女十歲許字李姓未嫁而夫歿女不食  
數日遂自投湖死屍漂流至李氏門前止因合葬  
焉鎮江石釣有詩紀其事

巢湖水清且冷漁家女方十齡許字李已聞名夫前死嗟  
委形女家貧且年稚身苟存志難遂朝蓬葆宵涕淚死志  
定不再計巢湖水清且漣甘抱石沈深淵誓同穴盟九泉  
逆流上夫門前路入歎惇史美營合葬不終替樹碑碣鐫  
銘誄鳥比翼木連理王化行閭門始漁家女乃如此君不

見巢湖水

偶成絕句

不爲九州牧便作五湖長何如三層閣坐聽松濤響  
呼鷹古戰場飲馬長城窟夢覺青天空靜玩僧寮月  
地下可憐蟲人間希有鳥一篇齊物論非大亦非小  
有本自無生數亦從理出試問巖君平何如邵康節  
宦海旣浮沈名場亦離離有人采華芝仙山聽秋瀑  
茅屋八九間梅花千百樹一筒釣魚舟隨風白來去

雙白鸞和陸桴亭集中作

桴亭詩敘云濡須沈氏女琇娘嫁陸氏陸有女名  
蟾姑甚相得壬午流寇陷濡須陸氏舉家竄琇娘

與蟾姑以巾連屬手臂相率投臂井死每至昏暮  
有二白鸛飛翔井上人以爲二女之精靈云

雙白鸛暮飛來旦飛去飛來飛去金井闌三尺寒泉埋玉  
處埋玉爾何人云是當年貞女墓湍須江上烽接天決志  
殲身此間赴骨不作井底泥魂不傍井邊樹一片冰心共  
朝暮君不見雙白鸛

旅夜不寐書寄吳門

門外橫塘碧水流微波瑟瑟泊蘭舟板橋西去斜陽路一  
樹桃花幾白鷗

謝家池館綠陰殘竹樹蕭蕭弄晚寒花影滿身人撼蘂月  
明先上舊闌干

蘭芝曲

廬江流水春羅薄廬江步婦顏如玉日暮江邊啼怨禽不  
怨鳩媒怨姑惡妾命薄敢怨姑姑愛子姑何不學城上烏  
姑遣妾妾當去妾不更嫁姑子不更娶東南孔雀同徘徊  
十步飛翔九迴顧萬古千秋共邱墓江上風吹合歡樹

魏武帝教弩臺

不見藏舟浦猶存教弩臺三分成敵國百戰見雄才潮落  
滿江水煙消赤壁灰祇今漳水上銅雀亦蒿萊

箏簫浦

彩雲散盡春風舞冷月照花間鬼語一灣流水弔殘香遺  
蹟猶傳箏簫橫槩高吟動古愁阿瞞當日亦風流漫遊

此地知何日不是烏飛赤壁秋我疑東下臨濡口江上當  
歌重對酒聞說巢湖春水生倉皇竟爾沉船走金粉飄零  
最可悲五湖何異葬西施祇今月落星沉夜尙有歌聲出  
水遲銅臺高揭漳河渡此地猶傳閨樂處羅袖空吟廬女  
篇桂旗誰悟陳王賦寶屐分香夢未醒西陵寂寞墓田平  
便教歌吹還如故何似銀箏銅筵聲

赤欄橋訪姜白石寓址

玉簫淒斷晚煙平白石清詞舊有名橋上欄干橋下水滿  
城楊柳作秋聲

道林寺訪梁公主墓

寺今名福嚴院梁武帝第五女出家於此墓在殿

東塔下有海榴一株傳是公主手植

此地眞蕭寺殘香冷殯宮仙衣曾被羽翠輦久銷銅沁水  
園何在臺城事亦空惟餘東塔下一樹海榴紅

淝水是謝元微符堅處

鶴唳橫空響夜關投鞭容易陷基難中原人物無王猛江  
左聲華有謝安草木祇今生戰地風雲終古護軍壇八公  
山色依然在淝水東流日夜寒

巢湖神女隣川姜白石詞意

巖山浮翠孤山碧一片巢湖浪花白小樓簾影珮環聞夢  
雨迷離才仙宅金碧樓臺隔暮雲鳳鬟霧鬢十三人明珠  
結珮招湘女羅襪凌波賦洛神西來戰艦橫濡口月明重



耐臨江酒此日雌雄未可知  
教弩臺高意持久聞說湖中  
漲漸生便同風鶴怯先聲始  
知春浪三篙水足抵東風百  
萬兵卽今列坐顏如玉翠潮  
約鏡窺蛾綠隔江簫鼓盡船  
來春燈夜奏神絃曲

雨中止宿田家見梁間雙燕感而有作

溼壓茆檐綠樹肥雨中爲爾  
立荆扉好音上下聞雙語弱  
羽差池看竝飛太息勞人催  
白羽更憐思婦夢烏衣相思  
祇隔長江水爾未能來我未  
歸

稻香樓弔龔芝麓

定山堂陞半荒滕賸有斯樓  
可一登身世君應同孔範才  
名我欲笑徐陵何如拂水華  
簪隱曾否橫波翠袖凭不感

滄桑感花月可憐老輩太飛騰

合肥道中遇雨

朝從雨中行暮就雨中宿舊雨勢未已今雨更相續阻滯  
到行李沾濡徧僮僕三五避雨鳩瑟縮聚茆屋破甕燒溼  
葦炊煙倏暍日豈不念辛苦行役利用速郵程乃多阻方  
寸如轉轂坐看土牆均苔花上濃綠

陰陵道中大雨

前雨猶及舍今雨方飛塗前雨雨絲密今雨雨腳麤驟若  
激飛弩中人深肌膚盲風復橫捲四合如張防雨衣瓦亦  
漏矧止單衣襦慙避旣無地長征尤可虞勉行十里強已  
費千躊躇雌雷殷山谷頽雲彌空虛此地勢當衝西南指

淮徐環滁衆山合澗水疾不紆平地湧驚濤逞能憚溝渠  
臨深一失足焉知不爲魚中年志拯溺此意原區區行役  
亦王事敢不勤馳驅仕宦亦何樂似我尤捋瘡嗟此父母  
身辛苦誰軫予三復岷嶠詩中道思迴車

旅舍書悶

方寸迴腸萬感深打頭菲屋晝陰陰乍晴乍雨天何意驟  
暖驟寒人不禁輕燕勢斜無定影晚鴉啼急有歸心不知  
眠起成何事賸有新愁付越吟

曉來殘月晚來煙行徧秧田又麥田萬事本如雲不定此  
行偏與雨爲緣夢迴江北千山路寒入淮南四月天愁絕  
客途寥落甚枉教心緒託嬋嫣

定遠道中水漲壞橋僕從阻三日始至系之以詩

臨淮西北青山高積雨驟漲馳奔濤大河百丈何磊浪石  
橋橫亘如連鰲雨行十里已愁絕溼透毛髮淋征袍一騎  
衝波踏橋過四蹄滑澁流春膏斯時水已及馬腹橋身岌  
岌長虹搖呂梁忽聞瓠子決雪浪滾滾慘不驕緯憲下擊  
地軸震巨石都作浮漚飄僮僕隔岸幸未濟疾馳不暇相  
招邀我苦無衣襪被雨乏食三日不至心爲焦王事靡盬  
我分耳爾輩遭此眞劬勞人生到處有險阻數輩華髮增  
飄蕭相見失喜幸無恙剪紙爲僮驚魂招

黛山道中書所見

青山欲晴天欲雨萬樹塵風怒蛟舞溼雲如磨壓山頂山

欲出頭天不許不知雲向山巔橫卻疑此處青山平四圍  
下垂天在地中間一畫長眉青日光如綫射雲罅萬綠陰  
陰都在下四山風作秋濤聲忽憶當年海門夜長風勢急  
更轉西舊雲漸逐新雲移以雲催雲雲盡走青山忽與青  
天齊雙峯如髻濃青露澗水流雲阻前渡濛濛雨氣白臨  
濠尚有行雲向西去

### 山行

青山如磨盤行人緣其足磨疾蟻不遲一轉山一曲又如  
蠶作繭輾轉入其腹倏忽達向背頃刻互巖谷忽覺眼界  
寬羣岫悉偃伏萬事悟齊物絕頂亦平陸半天含雨雲欲  
雨待其族萬木聚嘉蔭行役此爲福半嶺分陰晴紫翠悅

心目雲破漏斜陽一峯成結綠

珠龍橋晚眺

晴雲雨雲合一片石氣接天青不見夕陽倒射殘霞明劃  
斷鴻溝如曳練晴雲漸白雨雲黑黑雲更作玳瑁色茆屋  
上燈人掩閨隊隊歸鴉拍其翼

關山曉行

山以清流  
關得名

石勢漸起稜云入關山道一徑上龍脊重岡勢如抱絕頂  
雖不高亦復詡天造緬昔南唐時憑此作堅堡檢點有天  
命曾以偏師擄遺趾尙巍然壁壘黯荒草客行及晨羣馬  
蹄踏殘潦四顧眼界寬宛翠屏好天東朝霞生金碧麗

明詩

卽目二首

坐聽天風盪海門  
琅邪山翠杳難分  
不知今日何方雨  
第七峯頭正出雲

黛痕潑水綠陰肥  
古木澄潭鏡翠微  
幾點蘋花香漠漠  
青山影裏白鷗飛

滁州

滁陽古路百盤通  
心與江流直向東  
田水匯成新漲碧  
渚禽立盡野花紅  
昨宵黃月窺行客  
此地青山屬醉翁  
七百年來問遺蹟  
雪泥杳杳感飛鴻

豐樂亭

歐公昔守滁  
政事頗可紀  
詩酒與山水  
曾不廢公事  
卽看

一亭建命名有深意年豐而人樂農桑盡美利西指清流  
關戰爭紛五季休養及百年戈戟化農器世亂安集難世  
治撫循易公治適已成乃治以不治鰥生更有說領郡表  
屬吏細政戒毋苛大綱慎勿棄鳴琴與戴星宜會古人意  
勉茲勞者勞勿效醉翁醉

小橋

小橋垂柳點棲鴉幽澗無聲日欲斜一片閒雲不成雨蜻  
蜓飛上水蘼花

插秧女

朝見插秧女暮見插秧女雨淋不知寒日炙不知暑雨足  
如鳬鷖終日在煙渚種秧一畝寬插秧十畝許水淺愁秧



枯水深怕秧腐高田已打麥下田還種黍四月又五月更  
盼分龍雨羅綺是何物戴茆與服苧襁褓置道旁有兒不  
暇乳始信盤中食粒粒皆辛苦

龍池飲馬池在瓦梁郭外三里

山影涵空綠潏潏鱗鱗莎草短于苔十年踏徧長城窟又  
向龍池飲馬來

胥浦是伍子胥解劍渡江處古詩二首

遺廟枕江潏落日黯危渡子胥昔亡命仗劍於此去太息  
蘆中人途窮更日暮乞市龍蟠泥耕野豹隱霧一旦說闔  
閭功名感遭遇父仇亦既復國事敢弗顧覆楚功已成報  
越謀竟誤吁嗟屬餽賜悲憤到末路所以錢塘潮千載有

餘怒三復小海唱五噓夏仲御

瀨女旣抱石漁父亦沉舟婉孌與衰朽不知焉所求此心  
苟無媿見疑亦何尤奈何徇行路性命輕浮漚戰國此風  
盛布衣傲王侯侯嬴奪晉符田光復燕仇與人家國事皆  
以一死酬名節誤意氣忠孝消恩讎輕死與苟活正士良  
所羞

魏文帝賦詩臺

曾過而翁教弩臺征吳誰與賦詩來仲謀霸業三分國孟  
德諸郎一代才空有黃龍狎波浪也隨銅雀委蒿萊海門  
東下長江水不浣當年赤壁灰

眞州

十年前事在心頭溫嶠虛傳第一流惆悵生平感恩地綠楊影裏過眞州

隋煬帝陵

余前過雷塘訪煬帝陵不可得今重來揚州見阮夫子云在雷塘西北二里有土隆然高及中人之屋土人名王墓墩有識者云卽煬帝墳也老人年八九十者云童時曾見其下有穴甚深內有鐵門叩之聲洞然不能啓後乃以土填之以嘉靖圖經考之界址確然按煬帝唐貞觀中曾以禮葬則立一碑以存其蹟非過也因復爲此詩以誌之

雷塘古水消春冰紅草白花紛曲塍一墩隆然路西北不

知其下何王陵龍舟殿脚嬌羅綺煬帝當年行樂死禮葬  
曾記貞觀年定有山陵此間起陵谷從來善變遷九宮遺  
趾總成煙魚燈寂寞荒麟沒只賸當時數畝田鐵門深閤  
重泉暮更無大業垂楊樹居人尙解指煬溝野老猶能說  
王墓絳仙螺黛寶兒花山海迷樓總夢華一片蘼蕪春草  
綠重來還訪玉鉤斜

急雨

急雨忽而至屯雲作勢催潮聲吹地轉海色上天來倒挂  
千條瀑爭喧百道雷扁舟小於葉高詠浪花堆

岸邊水蕙花有作褪紅色者娟楚可愛竟日舟行其

下爲賦一詩

櫓聲搖夢入蒹葭瘦影娟娟映淺沙  
小雨不成天欲暮鏡中初試淡紅花

清淮夜月

晚霞西向盡東指月華生明月幾番好  
長淮如此清涼雲分夜色流水帶秋聲  
玉簫誰家弄難爲獨客情

銀河引寄內

前年看銀河記在灤水邊玉帳無聲斷  
殘漏離離珠斗橫青天舊年看銀河  
憶在鳳城裏夜深金海生微瀾千門萬  
戶秋如水今年看銀河乃在黃河上  
黃河東下海門闊枕上潮聲急秋漲  
碧雲如絲珠露寒細風微颭金琅玕  
小樓夜靜秋緒角花陰隔斷紅闌干  
近來魚雁無消息月華燈

暈思顏色似爾還應織女憐歲歲江南望江北

沭陽秋夜

半挂疎星海上城女牆殘月罨空明涼從碧樹陰中起秋  
在銀河澹處生萬里魚龍趨澤國四郊鴻雁肅宵征繪圖  
也有監門意搔首深勞此夜情

海州道中夜聞鶴唳

天外飄來第一聲郁洲山畔暮雲橫乍疑風引蘇門嘯定  
有人吹洛浦笙海上仙心秋萬里客中殘夢月三更羽衣  
歸去瓊田熟誰識虛堂獨夜情

楚將龍且廟

曩沙戰苦陣雲深遺廟荒涼楚水灣骨鯁定知同亞父兵

機可惜誤淮陰高城寂寂甯殘壁古墓蒼蒼帶遠林骨肉  
君臣悲里閨大王風起夕陽沉

虞姬故里

蛾眉遺宅委蒿萊祠廟無人長綠苔十里虞溝含雨碧一  
花楚國背春開昨過肥水遺墩在曾訪陰陵古墓來墓在定遠  
畱得千秋貞烈氣長陵空爲定陶哀

寫樓對月

微雲過華月涼暈自然生窗網薄無影簾鉤靜有聲燈  
古屏暗迴扇畫羅輕不寐遲銀漢躊躇子夜情

秋日雜感

萬夫畚鍤共防秋白日龍鍾我欲愁改道其傳河北徙安

瀾莫遣水西流。魚龍浩蕩分岐路。鴻雁淒涼徧下遊。天  
語如聞歌瓠子。幾時簪筆賦黃樓。

十萬樓船下海門。颺迴狐鼠竄驚魂。已聞玉帳歸龍武。曾  
見銅符下虎賁。劉鋹臺前烽火急。尉佗城下陣雲昏。粵南  
故伎真無敵。血洗征袍掩舊痕。

瓊華煙樹晚蒼蒼。御柳迴風雨氣涼。舊夢路尋丹鳳閣。故  
人家在碧雞坊。吳鉤對酒迴歌扇。燕玉闌香遠畫堂。十載  
青衫感樵悴。騷情珍重說王昌。

官鼓聲停臥翠微。大龍山勢走危巖。螺尊戰酌參軍酒。虎  
節頻開上將旗。暮雨帆檣江水闊。月明鳥鵲故人稀。綠陰  
尚憶池頭樹。落葉隨風各自飛。



紫海迴瀾匯析津珠簾繡柱蕭鉤陳鏡中樓閣下沾曉天  
上旌旗甲帳新虹氣靜蟠雙淀穩翠華平轉萬家春侍  
臣獻罷昆明頌應憶莖芽斂手人

秋獮龍旗出上蘭鳴鑾萬騎渡烏灤長城月色回中近仙  
苑松陰塞上寒薺菊香林綏八部芙蓉帳殿擁千官上林  
賦傳鈔徧誰惜邱遲錦未殘

暫回煙島又離羣似水相思總不分病後好添新藥餌貧  
家賸有舊羅襪最憐月夜題紅葉應念天涯望白雲惆悵  
年來成蕩子求官還復似從軍

畫樓天遠隔銀河茆屋西風感女蘿花落短檠秋影瘦夢  
迴長簾夜涼多音書已託雙魚寄心緒應憐早雁過暮雨

瀟瀟轉愁絕玉人消息問如何

檐前有青鳥飛至爲蛛網所罥解而逸之

瑤海明星問少鶯塘宮侍女羽爲衣可因蘭訊傳金母或  
是雲輶從玉妃雲霧無端墮塵劫網羅到處有危機爲君  
解脫還珍惜好向仙山自在飛

題煙江疊嶂第二圖用東坡韻

暮春之望試吏皖中邀高君屏泉同爲龍山之遊  
自蕪湖挂帆溯江西上春潮正酣萬山始綠峭帆  
竟日行圖畫中飄飄有凌虛之意君叔邁庵爲摹  
王晉卿煙江疊嶂圖余因用東坡韻題之更數十  
年後閱之非卽坡所云雪泥鴻爪者耶曰第二圖

以第一圖還之晉卿也

江南江北千萬山東風一夜吹成煙白漚送盡峭帆影夕  
陽依舊橫蒼然頻年作客走燕市山寒遠酌宜蘇泉青石  
梁高灤水闊眼中別有峯山川今年歸舟出瓜步長風躍  
浪舟不前二月歸家三月別落花吹亂湖中天高三十五  
頗好事詩筆矯矯清而妍登艫四覽發清興水花如雪翻  
蘆田太平司馬有遺愛岸泉令祖號願圖名  
蘆田曾官太平司馬水天閒話聞  
長年衆山合脊蓬底出髻鬟彷彿千嬋娟醉歌小海拍銅  
斗青天放眼船唇眠人生壯遊自適意世間何者爲神仙  
大阮畫筆古王子丹青重結圖中綠江山有我合題句媿  
無東坡先生浩瀚之長篇

題煙江疊嶂第三圖仍用東坡韻

春杪夏首星泉偕余至皖未兩旬余轉饒河上制  
府鐵梅庵宮保畱余襄治河之役因遣人刺舟迎  
之逾月始至白蕪湖以來登覽江山名勝多余所  
未經地君叔邁庵復爲作煙江疊嶂第三圖余之  
出都也王子卿編修爲登舟高詠圖爲贈以余江  
行必經采石意以太白相況也余今未至君乃得  
至焉洵乎人生山水遊歷之數行夙緣耶題此圖  
使我夢魂飛渡大江也

經秋不見淮上山江流東下浮蒼煙西風昨夜到櫓樹坐  
對落葉心悄然忽展煙蘿詫奇絕畫筆欲奪奚蒙泉江山

勝概半未歷青林迴薄縈長川然犀亭高燕磯出芙蓉萬  
疊森眼前憶昨行役走江北關山鳥道盤青天登高忽見  
秣陵樹夕陽淡寫蛾眉妍到此五月月幾望黃流正汨淮  
陽田思君顏色望君至明月迢遞如經年碧雲欲暮天寂  
寂黃月乍出秋娟娟豈知君遊正適意水枕俯仰跂腳眠  
想見登高酌樽酒徑欲呼起李謫仙第三圖成境更好惜  
尙遲我遊山緣爲君重題誌息壤何日一和登舟高詠之  
長篇

雨後碧霞宮送客

過雨林塘作意涼仙臺煙樹鬱蒼蒼出門滿地皆秋水送  
客孤帆有夕陽舊夢無痕銀漢遠晚霞如畫碧天長西風

滿耳多鴻雁好向江南問稻粱

題靳文襄祠壁

九派洪湖接竊冥迴湖辛苦役羣靈力除梁代浮山輟重  
勒唐家砥柱銘幕府借籌人其老謝家天先生護祠弔古我初  
經於今澤洞東南甚四壁殘碑照汗青

題金川殉難楊君夢樸遺詩並示令子恩騎尉星燦

次章懷蓉裳農部都下兼弔荔裳方伯

殘墨讀何年遺詩寶一編忠魂悲紙上絕筆起燈前客帳  
孤兒夢期門壯士弦無從埋碧血淚灑大金川

梁溪詩派好憶我識諸楊江左兩詞客關西百戰場金城  
秋嘯月青海夜飛霜惆悵桐花館蕭蕭夢雨涼

舟夜讀家天一先生治河書

腹中應是有全河歷歷分明指上螺直以萬言追賈讓更  
困一表感常何於今水土方求治如此人才恐未多滄海  
橫流誰作障獨將方略夜編摩

桃源舟中大風雨

頽雲壓天黑孤舟轉蓬腳黃昏始近岸急傍鄰檣泊驛樹  
碧黥黥灤葦秋漠漠剪燈不成寐坐聽風雨作萬馬暗復  
嘶狂濤前更卻側聞黃流經隄岸頗卑薄宿遷與雖寧南  
工久荒度一潰動百丈奔流不受縛徐郡旣震動皖屬亦  
驚愕歸墟匯洪河下遊再爲壑湖底淤更高後患積民瘼  
戢戢哀魚頭天心一何虐今宵風雨驟防險定繹絡二帥

皆駐工籌筆應聯幕河上若師中組練誰最彊蒼生憂樂  
同休戚吾敢膜媿無障川手如醫乏良藥細繹省齋書析  
理解脾臑弗如竟遠甚內省得無忤還復憶大謝愁心渺  
無著

曼兄適偕制府  
勘周工決口

曉起風雨轉甚又成一首

船尾聞兒啼船頭聞雞鳴斷夢續不得雜以風雨聲單衾  
入秋薄瑟縮難爲情客行軫節僕早晏皆有程欲起強偃  
臥伏枕遲天明推蓬望邨落斷瓦傾郵亭驛樹根在水枝  
葉疑虛生茆屋八九家瘦犬行伶仃高田半積澇寂寞無  
人畊野草得水氣秋影流深青數莖水蓼花作態搖瓏玲  
雨勢方未已雲暗天冥冥今日行不得雨直風轉橫災黎



正露宿輾轉心靡寧地名頗疑識

泊舟處地名半路劉劉者雷也

筵卜思

占經過午勢未已私祝來朝晴不然風慙止吾其雨中行

減壩初開周工再潰淮浦以東流民載道感而賦之

天綱涵淳河流黃海門沙磧橫賦吭西盪東汨不可當迎  
湏處處決茨防下流彌望成汪洋高低一例無陂塘彼民  
何辜罹百殃爲魚爲鼈歸湯湯餘者四出走踉蹌翁攜孫  
子兒負孃少婦襁褓女攜筐雜置破甑折腳錯大隄四顧  
魂惶惶中夜露宿星月光兼以風雨來披猖枵腹雷動鳴  
飢腸四肢瑟縮絺綌涼老弱道殣瘦腊彫螻蟻食肉鴉啄  
瘡災區何異古戰場大吏星夜飛奏章縣官下鄉來踏荒  
以蘆作屋儲作糧先以撫卹吏卒忙次加大賑斗石量殊

墨符牒徧壞牆 皇仁浩蕩周且詳期汝安集無流亡昔  
年作客宣南坊渾河夜決侵城隍畿南百姓走且僵 恩  
綸旦旦下九閭八卿出賑發太倉兼賜襦袴以栝裝經歲  
復業炊煙望壤叟依舊歌陶唐近者雲漢嗟吾鄉淮南中  
丞賢且良中夜四起憂心痒設賑煮賑屢發棠紳士董率  
立法減購米川蜀連舟航饑而不害民氣康實政不在工  
祈禳甘棠之愛疇能忘對此能不心徊徨亦有流徙行俚  
俚跼天跼地知何方近或廣陵遠蘇杭屯蜂聚蟻喧蜩蟬  
勢家驅逐若犬羊吾言天災亦何常方今一統漢道昌卹  
鄰何必畫此疆況聞米價殊不昂宜食之粥衣之裳行道  
有福事吉祥君獨不見新安汪活人千萬名德彰豐碑煌

煌峙蜀岡揚人詩祀崇祠堂

新安汪君

僑寓揚州嘗

中賜光祿卿銜今揚人籲請崇祀鄉賢

作詩辛苦非風狂哀鴻四野飛不翔

安得水田多稻梁怒焉如擣心摧傷

### 聽雨同屏泉作

檐雨淋浪意悄然客懷無寐未明天十年老大江湖夢難忘僧樓對榻眠

### 中秋寓樓對月憶舊懷鄉慨然成詠卽送流雲

苔堦花靜陰蟲歇碧雲凝水遲明月月光滿地復滿樓客子樓中清興發十年作客黃金臺玉蟬橋下秋蓮開天街酒樓臨大道相逢今夕催銜杯就中一年客深河仙莊珍木涼影多夜深翦燭和唐韻有人玉帳歌邊歌去歲太

平湖上住雲繪園中好花樹湖波盪影照鄉心記得城陰  
畫橋路頻年黃河北今年黃河南故鄉雖近歸未得蕭騷  
蓬鬢愁鬢鬢因思故園月亦復同此地所恨老親前上壽  
獨余季弟妹憶我殊可憐兒女閒話江南天室中病婦近  
何似年年抱影空牀眠坐中二子都豪逸喚起癡龍夜吹  
蘧酒酣各賦懷舊詩誰識中年都是客所思大謝正飛書  
隔斷清香戟門戟謂曼兄滿街鼓吹繁響徐斜轉樓西月光  
白落葉隨風水欲煙感君行役亦中年可知來夕樓頭月  
又照黃河渡口船荒雲將有山左之行

答句曲女士駱佩香

綺蘭

見題拙集之作

秋軒殘墨寫烏絲花葉親題七字詩江上晚潮魚素遠淮

南秋雨雁聲遲恰因湘管封題日轉憶吳船錄別時一語  
感君還自媿才名說我似袁絲來詩有太息袁絲歸十載西湖今又識荊州語故云  
袁絲謂隨園也

奚鐵生為余寫憶花圖今七年矣偶檢書簾得之因  
題絕句

張園斜日樹陰寒人去樓空感隆歡滿地青苔可憐色更  
無人倚畫闌干  
橫春橋北玉泉西盡日無人烏白啼惆悵湖陰少香家落  
花如雨溼春泥

寒衣

一篋寒衣一紙書書中消息倍愁余製從殘夜挑燈後到

及清淮落葉初小院砧聲催早雁高樓帆影憶雙魚劇憐  
扶病尋鍼綫莫遣秋風藥裏陳

聽劉寓槎話羅節鎮海上事詩以弔之

節鎮名江太浙之海寧州人寄籍黃巖縣官浙江  
定海鎮總兵逐賊出大洋月夜遇颶歿於海

蹈海忠臣志揜渠壯士心鯨牙曾未拔魚腹竟先沉月落

三山暗雲屯萬里陰桐船更何處憑弔祇哀吟

謂胡節鎮賑聲

幕府談兵日蛟門羽檄揮一官纔戍校經歲領展旗龍虎  
韜空在駕鸞陣已非昨聞北虜戰飛將出重圍

近聞李軍門海上受傷

重九日同屏泉禹王臺登高書懷

垂楊葉落邊淮樹長天一雁停雲暮客裏重逢落帽辰天

涯尚有題襟處題襟何處墨痕滋禹廟高臺擁柏枝海內

故人無恙在登高望遠寄相思我所思兮在京國十年醉

踏長安陌才人寂寞故侯歸舊遊歷歷橫胸臆懷古雲諸人

我所思兮在嶺嶠羅浮翠羽梅花笑青鳥啼香事有無滄

波月落雌風嘯金粟我所思兮在昆明赤足蠻天騎象行小

幅芙蓉圖尙在天南萬里若爲情叔美我所思兮在甘涼梅

花鐵篴奏青羌周郎憔悴張侯老其織弓衣賦戰場子白

我所思兮在西蜀公子才名美如玉昨宵方接去年書騷

壇誰與雲龍逐麗生我所思兮在閩海屋梁落月留光彩前

番一紙勅歸來曾託雙魚寄芳蔭素山遠或天南近江左封

題涼夜愁燈火揚州明月吳苑花玉人天際應思我更思  
弟妹音塵隔病婦書中顏鬱結獻壽堂前少一人故園亦  
是茱萸節黃花惆悵對芳菲君亦懷鄉未得歸滿地江湖  
秋水闊高臺同看白雲飛

### 湖城行

舊泗州城淪入洪澤湖久矣至今天暮或陰雨城  
影見水上樓堞人馬歷歷如繪老於河工者多見  
之余聞言而悲焉因仿東坡海市詩作湖城行

泗洲城高幾尋徑幾里何年鐵鎖出人間一城併作洪湖  
水洪湖水高城堞下水底冥冥不知夜可憐戢戢盡蒼生  
萬古精靈終不化君不見高家堰亘長虹長高陵澗邊秋



草黃天陰日暮氣慘澹  
高城影出湖中央  
冰夷擊鼓逐河伯  
蛟蜃樓臺暗如燭  
使君魚服更魚頭  
翠阜金支成一國  
卽今黃流屢塞淮  
不行湖而久與浮  
圖平淮揚形勢若  
釜底一隄力與魚  
龍爭哀鴻滿地秋  
風冷話到洪流客  
心警思迴海道障  
河流忍向湖隄看  
城影

挽何蘭士太守

道生

長安數知已屈指便推君  
每話西窗雨願爲東野雲  
何期蘊璫寶竟爾泣靈芬  
不盡山陽感邊淮落葉紛  
諸葛眞名士徐陵舊諫官  
積說已銷骨隱怒亦傷肝  
詩夢吳江冷官場蜀道難  
將軍定何意竟爾伐芳蘭

最憶燕臺住論心積歲年  
梅花詩社夢明月畫龕禪  
灑落

琴尊契蕭閒笠屐緣舊遊空歷歷迴百總如煙  
洮北初移節關西正用兵秋霜經小病哀雁斷三生樂府  
涼州遠高樓子夜琴不堪愁裏聽都似可憐聲

廣陵十二烈女詩

李烈婦江都人羅經甫繼室也揚州圍急婦謂經  
甫曰君上有老母下有稚子妾生而存慮有所牽  
吾自擇死所矣乃積薪樓下未幾城破烈婦上堂  
泣拜曰吾不能復事姑矣且語衆女伴曰吾多見  
古書女遭難而求生者忍以身試乎衆皆哭從而  
登樓者十二人燼焉厲樊榭有文紀其事

廣陵城頭夜吹角廣陵城上火星落敵師已結三重營眼

頤道堂詩選卷七

見崑崗勢焚玉城中白昔稱繁華比肩兒女嬌瑣花花枝  
如玉幹如鋏肯隨風雨埋塵沙澄心堂灰一炬齊雲樓烽  
一舉一女先行衆女隨燭龍赤燦燦倚倡門女碑前土一  
坏七姬祠畔人千古吁嗟乎男兒慷慨遭連連幾人殉節  
聲名全攜手同歸有如此十二嬋娟皆女子

題蔣心餘藏園詩集後

當代論詩品青容第一流勸懲皆雅頌褒貶卽春秋樂府  
新聲在龍門史筆適何須校章句辛苦辨曹劉

喬女詞

喬女袁浦人許字王河營卒也因貧未嫁歲祿父  
謀鬻女女懷刃往欲以死殉山陽沈子漁隱廉其

事捐金贖歸王是舉也喬之貞沈之義俱有足傳者作喬女詞

種松莫遷地遷地松不長種蘭莫移根移根蘭不芳不見  
喬氏女家在袁浦旁袁浦水東瀉羞見雙鴛鴦父貧思售  
女富家作姬妾女旣獲溫飽父亦資衣食豈知女志行頗  
與庸衆殊薦羅施松柏卓行泰羅敷羅敷自有夫名隸河  
營卒因貧滯嫁娶名在河營籍不嫁父心苦俄寒迫其躬  
嫁則女德虧名義難爲容妾有短匕首肝膽共榮利父旣  
免饑寒女亦全名義山陽沈隱侯高義重今古解裝贖蛾  
眉篤行非豪舉明珠返合浦白璧歸秦庭孤松鬱蒼翠幽  
蘭發奇馨至今袁浦上喬女有聲名

白馬湖弔陳琳墓

豈獨文章鄴下王卽論籌策亦人雄  
曾將至計規何進合有高名並孔融  
應阮舊遊明月夜袁曹往事夕陽中  
三臺銅雀飛何處一樣浮雲過眼空

顧道堂詩選卷七